

TSHEKO

 Ka go Mareka, tema ya 16, go thoma ka temana ya 9, ke rata go bala. Sehlogo sa letago bjalo, se mabapi le tsogo.

Bjale ge Jesu a tsogile ka leselaphutiana letšatši la pele la beke, o tšweletše pele go Maria Magadaline, yo go lelekilwego bodiabolo ba šupago go tšwa go yena.

Gomme o ile le go botša bao ba bego ba na le yena, ge ba hloboga le go lla.

Gomme bona, ge ba . . . kwele gore o be a phela, gomme o bone . . . o bonwe ke yena, ga se ba dumela.

Ka morago ga fao o tšweletše ka sebopego se sengwe go ba babedi ba bona, ge ba be ba sepela, gomme ba eya ka nageng.

Gomme ba ile le go e bolela go mašaledi: ešita ga se ba ba dumela.

Ka morago, o bonagetše go ba lesometee ge ba dutše dijong, le go ba kgalema ka gosedumele ga bona le bothata bja pelo, gobane ga se ba dumela bona ba ba mmonego morago ga ge a tsogile.

Gomme o rile go bona, Eyang ka lefaseng lohle, gomme le rere ebangedi go sebopiwa se sengwe le se sengwe.

Yo a dumelago gomme a kolobetšwa o tla phološwa; eupša yo a sa dumelego o tla lahlwa.

Gomme maswao a a tla latela bona ba ba dumelago; Leineng la ka ba tla lelekela bodiabolo ntle; ba tla bolela ka maleme a maswa;

Ba tla swara disephente; gomme ge ba ka nwa selo e ka ba sefe sa go bolaya, se ka se ba gobatše; ba tla bea diatla tša bona godimo ga balwetši, gomme ba tla welwa ke maruru.

Kafao gona ka morago ga ge Morena a boletše le bona, o amogetšwe godimo ka legodimong, gomme o dutše ka seatleng se setona sa Modimo.

Gomme ba ile pele, . . . ba rera mogohle, Morena a šoma ka bona, . . . a tiišetša lentšu ka maswao a latela. Amene.

² A re rape leng. Morena Jesu, re re bjale, ge re batamela Terone ya Tate. Gomme Leineng la Gago, re dumela le go ba Lentšu la Gago. Re dumela le go ba Mantšu a mafelelo ao a tšwago dipounameng tša Gago pele O rotogela godimo. Gomme re a kgopela gore O tla a šegofatša go dipelo tša rena morago ga sekgalela se, bakeng sa bao ba babjago. Re a Go leboga bakeng sa go bitša nomoro ye kgolo go Terone ya Gago bošegong bja go feta,

gomme re bone methalo ye megolo yela ya batho bale, monna, basadi, botate, bana, bomme, ba etla go theoga mothalo le go sepelela ka kamoreng yela ya thapelo. Re a Go leboga bakeng sa seo, Tate. Gomme bjale re a rapela gore O tla ba fa mahumo a Mmušo wa Gago, gomme a nke go be le tumelo magareng ga rena morago ga sekgalela se go dira Lentšu la Modimo go ba kgontha go rena. Gomme ke Wena o nnoši Yo a ka kgonago go dira se, Tate, kafao re e kgopela Leineng la Jesu Kriste. Amene.

Le ka dula.

³ Bjale sehlogo sa ka morago ga sekgalela se, ke nyaka go se tšeа, gomme se kwagala go tla ba gannyane. Gomme ke nyaka go se tšeа ka lebaka la maabane, mo difihlolong, ke kopane le yo mongwe wa mohuta wo mokaonekaone wa monna, gomme o dutše ka morago ga ka bjale, moemedi. Gomme re be re bolela ka tsheko, gomme bontši goba bonnyane e be e le tsheko ya bofora, goba se sengwe, seo se filwego Morena wa rena. Gomme ka kgontha ke—ke dumela gore monna yola o tla ba monna yo mokaonana go ema fa le go e kaya le dikgorotsheko tša naga, gobane ke boletše ka yena ge e sa le ke kopana le yena, gomme o . . . Ba mpotša ke moemedi wa go makatša, kafao ke a tseba gore o be a tla Mo fa tsheko ye kaone. Gomme ka gore Jesu ga se a ke a hwetša mohuta wa maleba wa tsheko . . . Gomme Yena ke Lentšu. Bohle re dumelana godimo ga seo. Yena ke Lentšu. Kafao ke badile Lentšu la Gagwe, gomme re ya go bea Lentšu tshekong morago ga sekgalela se.

Lentšu le tshekong.

⁴ Molato ke, Lentšu la ditshepišo tša Modimo le emelana le lefase. Gomme se se hlolago peomolato, ke, go roba tshepišo. Gomme . . . ke nagana moemedi motšhotšhisi ka mehla o emela mmušo. Ke nagana yeo ke nnete. Gomme . . . Sathane ke moemedi motšhotšhisi, o emela lefase, ka tshekong ye. Gomme Mosekišwa ke Modimo. Gomme Hlatse ya Mosekišwa ke Moya wo Mokgethwa. Kafao ke nyaka go dira kereke, phuthego, bobedi lekgotla la baahlodi le moahlodi. Gomme a re kweng tsheko bjale, ge re phagamiša digaretene lefelongtiragalo le go bona moo re dutšeego.

⁵ Bjale, le se lebale bjale, gore se—se . . . se re se bonago mo ke sehlodi sa tsheko ye, ke, Lentšu la Modimo le emelana le lefase. Sehlodi bakeng sa peomolato, ke, go roba tshepišo, ke gore, gore lefase le tleleima gore Modimo o dirile tshepišo yeo e sego therešo. Seo ke go roba tshepišo, “Yena ga a boloke tshepišo ya Gagwe.” Gomme moemedi motšhotšhisi ka go taba ye ke Sathane, yoo a emelago lefase. Gomme Mosekišwa ke Modimo ka Boyena. Gomme Hlatse ya Mosekišwa ke Moya wo Mokgethwa.

Gomme bjale re re tšielala ka kgorongtsheko.

⁶ Gomme bjale moemedi motšhotšhisi o ya go bitša hlatse ya gagwe ya mathomo le pokising le go mo eniša. Gomme, bjale, o

ne dihlatse tše tharo morago ga sekgalela se ke nyakago go di šomiša, a nyakago go di šomiša, a ke re, ka tshekong ye. Gomme dihlatse tše ke Mna. Mosedumele, ya go latela ke Mna. Mogononi, gomme ya go latela e tla bitšwago e tla ba Mna. Mofelapelo. Bjale, tše ke dihlatse kgahilanong le molato, gore, “Modimo ga a boloke Lentšu la Gagwe. Lentšu la Gagwe ga se therešo.”

⁷ Gomme re kgona go bona, pele re thoma tsheko, gore—gore bontši kudu bja lefase bo leka go bolela gore Lentšu la Modimo ga se therešo. Mohlala, se ke sa tšwa go se bala, ke be ke bala dinoutsefase go Scofield. Gomme ke be ke nagana ka kanegelo ye ke e boditšwego nako ye nngwe. Ke a nagana . . . ga ke nagane nkile ka e tsopola, gagolo ka kopanong ye. Eupša, gore mo—mo mosadi nako ye nngwe o bile le mošemane yo moswa yo mokaone, o be a nyaka go ba modiredi. Kafao o be a le mohuta wa mosadi wa mohuta wa go šokiša, gomme o nyakile mošemane wa gagwe go tsena sekolo gohle go gobotse le tlhahlo a bego a ka kgona (e lego, mme e ka ba ofe a ka nyaka mošemane wa gagwe, ge a ka biletšwa go se sebjalo ka seo), e bego e tla ba yona tlhahlo ye kaonekaone e bego e ka kgona go hwetšwa, gabaneng, o be a mo nyaka go ba le yona. Kafao o mo rometše kgole go yona seminari ye kaonekaone ya bodumedi yeo a tsebilego moo a mo romelago.

⁸ Gabotse, o be a le fao e ka ba ngwaga, gomme letšati le lengwe mmagwe o babjitsé gampe ka kgonthé. Gomme—gomme ba tšwetšepele ba mo leletša le go romela dithelekramo. O be a phela a nnoši. Gore o be a swanetše go biletšwe gae gobane o ile a swarwa ke mokgohlwane wo mošoro ka kgonthé, gomme o kitimetše ka go nyumonia ya go menagana gabedi, gomme o bile le pipitlano ka go . . . ya maswafo, gomme o lebeletše go hwa. Pelo ya gagwe e be e bonala gampe kudu. Kafao matwetwe wa go botega o be a dira tšohle tšeoa a tsebilego a dire bjang, go phološa bophelo bja mosadi, gomme o bile gampe kgafetšakgafetša. Kafao ma—ma matwetwe o rometše thelekramo go moisa yo moswa, gomme o rile, “Ema kgauswi gatee. Dira dipeakanyo tša gago tša sefofane, moo o ka bago go tla go mmago ka nako e ka ba efe, gobane o lebega boka o kgauswi gabotse le ntlha ya lehu.” Gomme ka gona mošemane, a nyamile gohle, a lokiša diaparo tša gagwe gomme a lokišetša go swara sefofane. Gomme—gomme thelekramo e tla thwi morago go tšwa go mmagwe, “O se ke wa tla, morwa. Ke bile gabotse.”

⁹ Kafao morago e ka ba ngwaga moragwana, goba dikgwedi tše tshela moragwana, ke a dumela e bile, gore o boile legaeng gagabo. Gomme ka morago ga go dumediša mmagwe, gomme ba be ba na le kopanelo mmogo, o rile, “Mme, go na le potšišo e tee ye e sa lekeletšego ka monaganong wa ka.” O rile, “Ge o be o babja kudu,” gomme o rile, “ga se nke wa ke wa ngwala le go mpotša ka bottlalo. O nno re o fodile, gomme ga se nke wa ke wa mpotša dintlha ka fao se se tlilego.”

¹⁰ O rile, “Morwa, o a tseba go theoga mokgotha mo, thwi moo lebenkele lela la kgale la krosari le bego le dula lefelong le rilego?”

“Ee.”

¹¹ “Go ne sehlopha sa batho tlase fale bao ba rapelago ka moagong wola wo monnyane.”

“Ee,” o rile, “ke a ba elelwa, ke bona Mapentecostal.”

¹² O rile, “Ee, yeo ke nnete.” O rile, “Ge ke be ke le go gampe ga ka kudu,” o rile, “go bile le mohumagadi yo mokaone a tliego godimo fa go nna. Gomme o rile, ‘Kgaetsedi, re be re le tlase kua ka kopanong ya thapelo, gomme re kwešišitše gore o be o babja kudu, gomme o bile le mošemane kgole ka go—ka go sekolo sa seminari, le go ba modiredi. Gomme ge re be re sa rapeila, Morena o utolotše go rena gore re swanetše go tla re go rapelele.’ Gomme o rile, ‘Gabotse,’” o rile, “seo, seo se tla ba kaone.” O rile, ‘A o a tshwenyega ge modiša wa rena a etla le go rapela?’ O rile, ‘Gobaneng, ka kgonthe aowa, mohumagadi. Ke tla thaba,’ o boletše. Kafao ba tlišitše . . . Ngaka e boletše gore re tla ba kaone. Kafao modiša o tlide, gomme a bala Lengwalo le mo ka go Mareka, tema ya 16. Gomme o rile, ‘Se ke se Beibele e se boletšego.’” Kafao o beile diatla tša gagwe godimo ga mosadi le go rapela, o ile ntle. Gomme o rile, o “fodile,” o boletše.

“Oo,” o rile, “Mme!”

O rile, “A seo ga se makatše, morwa? Nagana ka seo!”

¹³ “Oo,” o rile, “Mme, ka nnete seo ga se se be le selo go dira le go fola ga gago.” O re, “Mohlomongwe se sengwe sa sehlare se ngaka e go filego pele, se ile sa no se šome ka nako.”

¹⁴ Gomme o rile, “Oo!” O rile, “Aowa, morwa. Matwetwe o be a tlogetše go mpha sehlare matšatši a mabedi, o rile go be go se selo a bego a ka kgona go se dira. O nno mpea ka tlase ga oksitšene gomme o rile go be go se selo a bego a ka kgona go se dira. Gomme ke be ke eba gampe kgafetšakgafetša.”

¹⁵ “Oo,” o rile, “Mme, e—e be e se seo.” O rile, “O a bona, bale ke batho ba go se rutege.” O rile, “Ka kgonthe ga ba kwešiše. Ba no bala Beibele.” Gomme o rile, “O a bona?”

O rile, “Gabotse, a ga ra swanelo go dumela Beibele, morwa?”

¹⁶ “Oo, nnete.” O rile, “Mme, re swanetše go E dumela, eupša,” o rile, “o a tseba, ka sekolong,” o rile, “re ithutile gore Leo moo a badilego fale go tšwa go Mareka 16, go tloga go temana ya 9 go ya pele, ebile ga se Le šušumetšwe.”

“Gabotse,” o rile, “letago go Modimo!”

¹⁷ O rile, “Mme, o dira boka bona batho.” Gomme o rile, “Gobaneng, yona kgopolol!”

O rile, “Gabotse, hani, ke be ke no nagana.”

O rile, “O nagana eng?”

¹⁸ O rile, “Ge Modimo a ka kgona go mphodiša ka karolo yela ya Lentšu le le sego la šušumetšwa, ke eng A tla e dirago ka leo ka kgonthe le šušumeditšwego?” Kafao, Leo, Leo ke . . . [Phuthego e opa magoswi—Mor.] Kafao re a dumela Le šušumeditšwe.

¹⁹ Kafao, bjale ye, re ya go dumelela motšhotšhisi a bitše dihlatse tša gagwe, ya mathomo go boemo, go hlatsela kgahlanong.

²⁰ Ke nno bolela seo metsotso e se mekae ya go feta, gobane ke be ke no bala, ge ke be ke bala sehlogo se, Mna. Scofield o bolela gore tše dingwe tša dingwalwa ga di rwale Yeo. Fao ka kgonagalo ke moo kanegelo yela e tšwago gona. Eupša Go bjalo.

²¹ Kafao Mna. Gosedumele o tla go boemo, gomme o tsea leemo la gagwe bjale go paka kgahlanong le Lentšu la Modimo, go hlatsela kgahlanong le Lona. Gomme bjale ge a . . . O swanetše go ba hlatsela ya mathomo go ema ka yona. Bjale re hwetša gore ka morago ga ge a enišitšwe, bjale pelaelo ya gagwe ke ye, gore “Lentšu la ditshepišo tša Modimo ga se therešo ka go felelela.”

²² Bjale, dihlatse tšohle tše tše motšhotšhisi a di tlišago godimo, di tleleima go ba badumedi. Bohle ba tleleima go ba badumedi, goba, ba fa bohlatse bja se, “Re ka be re se ra ke ra tsenela dikopano tše bjalo ge re be re se badumedi.” Kafao ba—ba bolela gore ke badumedi.

²³ Gomme boipelaetšo bjo Mna. Mosedumele a bo fago kgahlanong le Lentšu la Modimo, o tleleima gore “Mareka 16 ga se therešo, E no se kgone go ba therešo.” Ka gore o boletše gore o be a babja lebaka la nako ye nngwe, gomme o fa bopaki bja gagwe bjale gore o be a babja lebaka la nako ye nngwe, gomme o “ile go kopano ye e bitšwago ya Moya wo Mokgethwa moo batho ba bego ba bea diatla godimo ga balwetši, gomme ba tleleimile gore ba be ba fodišwa.” Kafao o ile ka go mothalo wo wa thapelo, gomme ge a dirile. . . O be a babja kudu nako ye nngwe, gomme o “rapeletšwe ke Moya wo Mokgethwa wo, wo o bitšwago, sehlopha sa Moya wo Mokgethwa sa batho ba be bego ba goelela le go dira mašata, le go tleleima gore ba fodišitšwe.” Gomme Mna. Mosedumele o sepetše go kgabola mothalo wo, o bile le diatla di beilwe godimo ga gagwe, “Gomme e be e le ka godimo ga dikgwedi tše pedi tša go feta, gomme ga se gwa ke gwa ba leswao le tee la go fola.” Kafao o bolela gore “Lentšu la Modimo, karolo yeo, ga se therešo.”

²⁴ Bjale, kafao motšhotšhisi o theoša hlatsela ya gagwe ya mathomo, o tliša godimo hlatsela ya gagwe ya go latela go ema. Gomme hlatsela ya go latela e tla godimo, ke Mna. Mogononi. O a enišwa, o tsea maemo. Bjale, o tleleima gore ke yena modumedi, gomme o “kwele ka toropongkgolo gore ba bile le kereke moo ba bilego le modiša wa go botega, yo a bitšwago monna wa bomodimo, kafao phuthego e bolela bjalo. Gomme monna yo o

dumetše Lengwalo, kafao o a bolela. Gomme o rapeletše balwetsi le go ba tlotša ka oli. Gomme o badile tema ya se ka Beibeleng, ka go Jakobo tema ya 5, temana ya 14, ‘E ka ba mang magareng ga lena a babjago? A nke ba bitše bagolo ba kereke, gomme a nke ba ba tlotše ka oli, ba ba rapelele; thapelo ya tumelo e tla phološa molwetsi, gomme Modimo o tla ba tsoša.’’ Kafao o boletše gore o ya ka gare, a le monna wa go babja, o ile a ganwa go ya go itsoge a kgona go fenyaga letadi le la go se hwe leo a bilego le lona. Gomme ngaka o boletše gore a ka se kgone go le fanya, ga go tsela go yena go dira. Kafao o “tšere Modimo Lentšung la Gagwe,” gomme o “hweditše yo a bitšwago modiša wa bomodimo,” gore phuthego yohle e bile le mehuta yohle ya mabopaki gore ba fodišitšwe, le go ya pele. Gomme modiša yo wa bomodimo o rapetše godimo ga gagwe, a mo tlotša ka oli, go ya ka Lentšu la Modimo. Ga se a ke a kamaka tlhokofalo ya monna, ga se a ke a kamaka tlhokofalo ya phuthego; eupša modiša o phethagaditše taelo feela bjalo ka ge Beibele e bolela, o mo tloditše le go mo rapelela. “Gomme seo se be se le kaonana go feta dikgwedi tše tshela tša go feta,” gomme yena “ga se a laetsa leswao le tee la go welwa ke maruru.” Kafao o fa bopaki bjola. Bjale hlatse ya bobedi e theogela fase.

²⁵ Motšhotšhisi nako yeo o tliša godimo hlatse ya gagwe ya go latela, e lego Mna. Mofelapelo. O tliša godimo gomme o a enišitšwe, go fa bopaki kgahlanong le Lentšu la Modimo, go se be therešo. Monna yo o tla pele gomme o tteleima gore ke yena modumedi, gomme o be a bala letšatši le lengwe ka go Mareka, tema ya 16, goba tema ya 11 ya Mareka, a ke re, gomme go thoma ka temana ya 22, moo Jesu Yenamong . . . O tteleima gore o “bile le Beibele ya lengwalo le lehubedu, gomme mangwalo a mahubedu e be e le Mantšu tlwa ao Jesu a a boletšego, ka Boyena. Gomme gore ka go Beibele ye ya lengwalo le lehubedu, ka go Mareka, tema ya 11, moo Jesu a bego a bolela, O dirile setsopolwa se, ‘Ebang le tumelo ka go Modimo. Gobane ruri, ruri, Ke re go lena, ge o re go thaba ye “lahlelwe ka lewatleng,” gomme wa se belaele, eupša wa dumela gore se o se boletšego se tla direga, o ka ba le se o se boletšego.’’ Gomme o “be a le segole,” o re fa, “lebaka—lebaka la mengwaga ye mentši,” ge e sa le a be a le mošemane. O be a golofetše maotong a gagwe. O be a swanetše go sepela ka dikota. Kafao o amogetše leo bjalo ka go ba Lentšu la Modimo la go se palelwé, gomme o boletše ka gare ga pelo ya gagwe, bjalo ka ge a tteleima, go paka bjale, o rile, “Ke tla sepela.” Gomme o amogetše Lentšu la Jesu Kriste, o boletše gore o be a tla sepela gobane Jesu o boletše bjalo. “Ge o ka re go thaba ye ‘šuthišwa,’ gomme ge o amogela, ge o rapela, dumela gore o amogela se o se kgopetšego, gomme o tla ba le sona.” Gomme o e kgopetše, o e rapeletše, o rile o “tla ba le yona, gomme yeo ke mengwaga ye mehlano ya go feta.” Gomme o sa golofetše maotong a gagwe, ga se a be le bokaonana e ka ba bofe.

²⁶ Bjale motšhotšhisi o tla pele ka morago ga ge dihlatse tša gagwe di file ditsopolwa tše tharo tša go fapana tša Lengwalo (e lego, ka go dikgorotsheko tša Bajuda, ke bohlatse), o fa dihlatse tše tharo tša Lengwalo tše di ngwadilwego ka Beibeleng ya Modimo, “go tšeelwa gore Jesu Kriste o Le boletše,” e lego Morwa wa Modimo, Modimo a dirilwe nama, a dula ka go Motho, go se palelwe. Gomme motšhotšhisi o tla pele bjale go rebethela molato go lena batho.

Bjale, le a elelwa, lena le lekgotla la baahlodi gomme le moahlodi.

²⁷ Kafao motšhotšhisi o nyaka le tsebe bjale, ge a rebethela molato, gape, batho ba ba tleleima gore ke bona badumedi feela bjalo ka ge ka moka ga bona ba tleleima. Kafao o tleleima gape, motšhotšhisi o nyaka le tsebe, gore “Modimo ga a lokafatšwa go bea ditshepišo tše bjalo tša phošo ka go Lentšu la Gagwe, ge A sa e thekge, ka gore O fa se go bana ba Gagwe ba ba dumelago go tleleima. Gomme ka tšona ba e tleleima, ba tlišwa go dihlong gomme ba gobošwa, ka go tleleima Mantšu a e sego therešo.” Motšhotšhisi bjale, “Ka gore O šitilwe go dira ditshepišo tša dihlatse tše tharo tše, tše di dirilwego tlwa go ya ka Lentšu la Modimo.” Gomme o nyaka, motšhotšhisi o nyaka le tsebe gore “Modimo o šitilwe, ka go ditaba tšohle tše tharo, go dira ponagalo e ka ba efe ya go boloka Lentšu la Gagwe” (o e rebethela fase bakeng sa lena), “le go badumedi ba ba tleleimiwago.”

²⁸ Ka gona gape, motšhotšhisi o nyaka go retologa, go biletša šedi ya lena go se sengwe gape. “Yena, yoo ke Modimo, o tshepišitše gore dilo tšohle di be di kgonega go bona bao ba dumetšego. O tshepišitše seo.” Motšhotšhisi o nyaka le tsebe seo. “Gomme ba ba bitšwago badumedi ba lekile go boloka Lentšu le, gomme O šitilwe go Le boloka, ka fao O suiwa bakeng sa go roba tshepišo.”

²⁹ Efela gape, motšhotšhisi o nyaka go biletša šedi ya lena go Lentšu le lengwe la Modimo. “O tleleima go phela ka morago ga lehu la Gagwe. Jesu o tleleima go phela ka morago ga lehu la Gagwe.” Gomme motšhotšhisi o nyaka le tsebe gore ga se a “bone Motho ka mabadi a dipikiri diatleng tša Gagwe, le mabadi gohlegohle mmeleng wa Gagwe go tšwa go go otlwa, le mabadi a dipikiri ka maotong a Gagwe.” Ebile ga se a “bone mphaphahlogo e ka ba ofe wa meetlwa godimo ga hlogo ya Motho e ka ba ofe. Gomme efela O tleleima go phela ka morago ga lehu la Gagwe. Gape O a tleleima, gore ka go Bahebere 13:8, gore O a phela. Gomme ga go bjalo. O tleleima gape, ka go tema ya Luka, tema ya 17 le temana ya 30, gore ka matšatšing a re phelago ka go ona bjale, gore O tla ikutolla ka Boyena; bjalo ka ge A bile nako yela, O tla ba bjalo. O a tleleima gape,” motšhotšhisi bjale o le fa molato wo o rebethetšwego, “gore ka go Kutollo 10, gore morongwa wa bošupa, ge a thoma go galagatša” (yoo ke mo—

mo morongwa go kereke ya Laodikia, yo a swanetšego go biletša kereke morago go Tumelo ya botate), “gore ge morongwa yo a galagatša, gore diphiri tšohle tša Modimo di swanetše go utollwa ka letšatšing leo. Gape O a tteleima, gore ka go Maleaki 4, gore baprofeta ba bakgethwa ba profetile gore go tla ba moprofeta a tsoga ka letšatšing leo, go dira dittleleime tše therešo. Gomme ga go le e tee ya Yona bjalo! Gape O tteleima gore magodimo le lefase di tla šitwa, eupša Lentšu la Gagwe le ka se tsoge la feta.”

³⁰ Bjale motšotšhisi o na le molato mo. O a o rebethela thwi. Bjale o o neela godimo go lena batheeletši, go lena ba le lego bobedi moahlodi le lekgotla la baahlodi. Bjale re kwele lehlakore la gagwe, re kwele dihlatsse. Re kwa se ba se bolelago ka Lona. Re kwa se motšotšhisi a se tšhelago ka gare, Lentšu, le go se rebethela go tšwa mahlakoreng a mabedi, “Ditshepišo tšohle tše Modimo a di dirilego, gomme ga go le e ka ba efe ya lona” yeo a ka kgonago go bona “yeo e lego Therešo.” Kafao o leka go tliša peomolato kgahlanong le Modimo, le kgahlanong le “Yena go dira ditshepišo tše bjalo tša phošo, gobane ditshepišo tše Modimo a di dirilego ke go tlalelwka go phethagala. Ditshepišo tše A di dirilego bakeng sa letšatši le ke tša go tlalelwka go felela. Gomme ga A di boloke!” Bjale re kwele lehlakore la gagwe, kafao bjale a re bitšeng hlatse ya motšotšhisi go theogela fase, le motšotšhisi.

³¹ Gomme bjale re tla bitša Hlatse ya Bosekišwa go Mosekišwa. Gomme Hlatse ya Bosekišwa bjale ke Moya wo Mokgethwa, bjale O a tla le go emela Mosekišwa. Bjale, selo sa pele A nyakago go se biletša go šedi ya kgorotsheko ye, haleluya, gore motšotšhisi o hlatholla ka go fošagala Lentšu go batho, go no swana le ge a dirilego Efa mathomong. Elelwang, o be a le mohlatholli wa gagwe. Modimo o boletše se ba bego ba swanetšego go se dira, gomme go be go ka se tsoge gwa ba lehu, manyami goba selo, gomme o tlie go dikologa gomme a hlatholla Lentšu ka go fošagala. Ka fao ge monna a etšwa ka morago ga Lentšu la Modimo, na go ba dira eng? Yena ga a šireletšwe ke Modimo. Eupša, le a bona, Sathane o be a le mohlatholli wa Lentšu go Efa. Ga se a ke a theetša monnamogatša wa gagwe le Modimo, eupša o tsera tlhathollo ya motšotšhisi ya Lentšu. Gomme ga a na le tokelo ya go fa tlhathollo, gomme ga go le motho yo a nago le tokelo. Modimo ke Mohlatholli wa Gagwe Mong. Ga A re hloke; O boloka Lentšu la Gagwe, re a dumela. Bjale O nyaka go biletša šedi ya lena go seo, gore mohlatholli wa go swana go Mantšu a pele a Modimo ao a boletšwego, ke motšotšhisi yo a lekago go—go tliša peomolato pele ga kgorotsheko ye morago ga sekgalela se, ya yena wa go swana, gomme o hlathollotše Lentšu ka go fošagala. Seo ke selo sa pele Hlatse ya Bosekišwa e nyakago go se bolela. Bjale, O nyakile go tliša se go šedi ya lena, gore o be a le mohlatholli wa Efa gomme o hlathollotše Lentšu ka phošo.

³² Lefelo la pele, O nyaka go le fa kgopoloye, gore tshepišo

ke feela go badumedi; e sego baitirabadumedi, bagononi, goba basedumele. Ke feela go bao ba dumelago! Bjale O nyaka kgorotsheko ye... Hlatse ya Bosekišwa (Moya wo Mokgethwa) o nyaka kgorotsheko ye go lemoga gore ditshepišo tše e no ba tša badumedi.

Ka gona go gadika ka dipotšišo, o rile, “Ba ke badumedi!”

³³ Gomme bjale Hlatse ya Bosekišwa ka Boyena o swanetše go tseba ge eba ke badumedi goba aowa, ka baka la gore ke Yena yo a phedišago tshepišo. Bjale o ya go feta seo bjang? O na le tsheko ya go fiša e tšwelago pele. O ya go feta seo bjang? Moya wo Mokgethwa o swanetše go tseba, ka gore Yena ke Bophelo bjo bo lego ka Lentšung, Yena ke Yena yo a phedišago Lentšu. Go no swana le moya wa gago o phediša mmele wa gago, gomme mmele o phedišwa ke moya; ntle le moya, mmele ga o na le maatla, mmele o hwile. Gomme Lentšu le hwile ntle le Moya. Go tšeа Moya go tliša Lentšu pele, go Le dira le phele. Gomme Yena ke Mophediši wa Lentšu lela, gomme Yena ke Hlatse ya Bosekišwa ya Mosekišwa. Amene. O ya go feta bjang seo? Ke nyaka kgorotsheko ye go kwešiša seo gabotse kudu, gore Yena ke Mophediši, O swanetše go tseba. O phediša Lentšu.

³⁴ Gape, O nyaka go biletša šedi ya kgorotsheko ye go Lentšu la tshepišo le le botšišollwago. Ga se A ke a bea nako ye e itšego go bona go welwa ke maruru. O rile, “Thapelo ya tumelo e tla phološa molwetši, gomme Modimo o tla ba tsoša.” Ga se a ke a re “thwi nako yeo.” “Ba tla bea diatla go balwetši, gomme ba tla welwa ke maruru.” Ga se nke a bolela, “letšatši, kgwedi, ngwaga.” O nno re, “Ba tla dira!” Hlatse ya Bosekišwa e le nyaka le tsebe seo, gore ga se A re go tla ba mohlolo o dirilwego. O nno re, “Ba tla welwa ke maruru!” Hlatholla Lentšu gabotse. “Ba tla welwa ke maruru.” Ga A tsoge a bea nako e ka ba efe e itšego. Gomme, ke gore, ge ba le badumedi! Ge ba le badumedi, e tla welwa ke maruru. “Ba tla bea diatla go balwetši, gomme ba tla welwa ke maruru,” ge eba ke bjale, beke, kgwedi, ngwaga, mengwaga ye lesome, mengwaga ye masomepedi, mengwaga ye masometlhano. “Ba tla welwa ke maruru,” O boletše bjalo! Ke gore, ge ba ka kgona go swarelala go go dumela ga bona. Bjale, yoo ke Hlatse ya Bosekišwa.

³⁵ Selo se sengwe, Hlatse ya Bosekišwa e nyaka go biletša go šedi ya kgorotsheko morago ga sekgalela se gore, gape, Lentšu ke Peu, gomme Peu e swanetše go wela mmung wo o nonnega gore o e phediše. Peu e ka se mele godimo ga leswika. Peu e swanetše go ba le go nona. Gomme Lentšu le swanetše go wela ka tumelong, e lego go nona fao go tlišago Lentšu go phethega. Bjale Hlatse ya Bosekišwa ka nako ye...

³⁶ Re ka bitša bontši go feta, dilo di ka bolelwago. Eupša, ga re nyake go le swarelala botelele kudu, re na le mothalo wo mogolo wa thapelo. Ke nyaka lena, kgorotsheko, go theetša.

³⁷ Hlatse ya Bosekišwa bjale e tla bitša hlatse ya Gagwe. Le a bona, Hlatse ya Bosekišwa e na le tokelo ya go bitša hlatse, ka gore motšhotšhisi o a retologa, o biditše hlatse. Bjale Hlatse ya Bosekišwa e ya go bitša hlatse. Gomme Hlatse ya Bosekišwa e rata go neela go kgorotsheko ye, morago ga sekgalela se, moprofeta Noage. “Etla pele, Noage, gomme o tsee boemo. Bjale, ke a kwešiša gore o na le bopaki mabapi le Lentšu la Modimo leo o le filwego.”

“Ee.”

³⁸ Hlatse lehono e nyaka go bolela, go kgorotsheko ye, gore o be a no ba monna wa mehleng gomme o dumetše Modimo. Gomme o phetše ka go lebaka la saense, moo ba dumetšego gore matšatši a mehlolo ga se a ke a ba. Go be go se gwa ke gwa ba pula godimo ga lefase, eupša letšatši le lengwe o kopane le Modimo. Gomme Modimo o mmoditše go lokiša areka bakeng sa go phološa batho, gomme bohole ba bego ba tla tsena ka arekeng ye ba be ba tla phološwa. Gomme hlatse e nyaka go bolela gore yena ka potego, ka pelo ya gagwe yohle, o e dumetše. Gomme o ile a ya go e rera. Gomme o ile, e sego feela go e rera, eupša, go dira mediro ya gagwe—ya gagwe e pake ka tumelo ya gagwe, o thomile go aga areka.

³⁹ Gomme hlatse e nyaka go šupa monwana go Mna. Mosedumele, le go Mna. Mogononi, le Mna. Mofelapelo. “Ba ntłhoriſtše mosegare le bošego. ‘Pula yela e ya go na neng? Aa, o boletše seo ngwaga wa go feta, gomme ga go na pula godimo fale. Re ile go borasaense gomme ba netefaditše ga go na pula godimo fale.’ Gomme ba tteleimile gore ke be ke tshereane. Gomme ba nkwerile le go mpotša gore ke be ke le ‘lešilo le bonolo’ ka go felela go dumela tshepišo ya tlalelo ye bjalo ka yeo, kgahlanong le diphatišio tsa saense.” Eupša o rile, “Ke šomile go lenaneo, gobane, ke swareletše go iketla gobane ke tsebile E be e le Lentšu la Modimo gomme Le ka se palelwé. Ke agile areka.

⁴⁰ “Gomme ka morago ga ge areka e fedile, ka gona bakweri ba kitima go dikologa le go dikologa areka, letšatši ka letšatši, ge ke be ke eme ka mojako, ke ba rerela. Gomme ba be ba sa re, ‘Bjale, yeo e bile mengwaga ye lekgolo le masomepedi ya go feta, bjale pula ya gago e kae? Kafao, o a bona, katano ya gago yohle e ka lefeela,’ ba boletše. ‘Borasaense ba rena ba a rereša, gomme ga go selo se sebjalo. Gomme o mokgalabje yo bonolo go felela go dumeleng ka go tshepišo ye bjalo ya go tlalelwá bjalo ka yeo.’

⁴¹ “Gomme ka gona letšatši la tla ge ke thoma go sepelela ntle mosong wo mongwe, go tšwa arekeng ya ka. Gomme, ka pelapela, ntle le seatla godimo ga lona, lebatí la tswalelwá thwi ka sefahlegong sa ka, gomme ke ile ka tswalelwá ka gare. ‘Bjale go diregile eng?’ Nako yeo ke nametše malere ao ke bego ke a agile, gomme ka ya godimo ka ntłhoraneng, gomme ka gogela lefastere morago. Gomme ke kgonne go ba kwa ka ntle; Mna.

Mosedumele a dutšego godimo fale, Mna. Mogononi, le Mna. Mofelapelo; ba re, ‘Bjale go diregile eng? O itantše yena mong ka boyena!’ Gomme ke naganne ka kgontha pula e be e tla na nako yeo. Gomme letšatši le ke ilego ka gare e be e le la 27... goba letšatši la 17 la Mei. Lebati le tswaletšwe sefahlegong sa ka. Ke biditše batho ba gešo mmogo, gomme ka re, ‘Ebang komana, pula e tla be e ena ka metsotsong e se mekae ya go latela.’ Gomme, letšatši lohle botelele, Mna. Mosedumele le Mna. Mogononi le Mna. Mofelapelo ba sepetše tikologong le go dikologa areka ya ka, ba ntshwaswalatša, ba bolela mehuta yohle ya bobe ka nna. Eupša ke boditše phuthego ya ka, ‘Homolang. Modimo o dirile tshepišo!’

⁴² “Letšatši la bobedi, letšatši le tla godimo, le phadima; go se pula, go se modumo, gomme go se legadima. Letšatši la boraro, go swana, la bone, la bohlano, la boselela. Eupša mosong wa letšatši la 24 la Mei (mengwaga ye lekgolo le masomepedi moragwana), go tlie senthulwane se etla fase go tšwa Legodimong. Gomme bohole batlotšwa ke Mna. Mogononi, Mosedumele, le Mna. -molwetši ba senyegile ka ntle.”

⁴³ Hlatse ya Bosekišwa e rile, “Gatela fase, Noage. Ke nyaka go bitša bohlatse bjo bongwe. Etla godimo, Mna. Abraham, ke nyaka o fe bopaki.”

⁴⁴ Mna. Abraham o tla godimo, gomme o rile, “Ke be ke šoma polaseng ya ka feela ka ntle ga Uri, naga ya Kaladea. Gomme ke nyetše kgaetšedi wa ka wa seripa, leina la gagwe e be e le Sarai gomme leina la ka e be e le Abram. Gomme ke kopane le Modimo, gomme Modimo o mpoditše gore ke be ke eya go ba le lesea ka Sarah. Gomme Sarah, ka nako ye, o be a le bogolo bja mengwaga ye masometshela tlhano, gomme ke be ke le bogolo bja mengwaga ye masomešupa tlhano. Gomme Modimo o mpoditše gore ke be ke tla ba le lesea ka Sarah, gomme lefase ka moka le be le tla šegofatšwa ka ngwana yoo, gomme ke be ke tla ba tatago ditšhaba. Ka pela ke boile, bakeng sa thabo ye yeo e bego e le ka pelong ya ka. Ka mehla ke be ke rata bana, gomme ke naganne ke be nka se tsoge ka ba le e ka ba ofe. Eupša ge Modimo a rile ke be ke eya go ba le lona, ke Mo dumetše. Ke ile go ngaka go dira ditokišetšo. O ile a nthakela ka ntle ga ofisi, Mna. Mosedumele o be a dutše fale. Gomme ke ile ntle mokgotheng, gomme bomolao ba nyakile go ntshwara bakeng sa taba ya monagano. Gomme ka gona ge mengwaga e eya go feta, Mna. Mofelapelo o ntlhakišitše mosegare le bošego.

⁴⁵ “Kgwedi ya mathomo, ke rile go mosadimogatša wa ka, Sarah. Le a bona, o be a fetile menophose, o kgaoditše go ba le yena bjalo ka ge go le ka basadi. Gomme ke rile go Sarah, ‘Hani, re ne tšohle dietana tše nnyane le dikoromo tšohle, le di—di—di diphini? Bohle re komana, a re bjalo?’ ‘Ya, bohole re komana.’ ‘E ya go direga bjale, šetša.’ Gomme mafelelong a matšatši a masomepedi seswai, ke rile, ‘O ikwa bjang, hani?’

‘Ga go phapano, Abraham.’’ Gabotse, o rile, ‘Ke rile, ‘Šegofatša Modimo! Sarah, o se e belaele. Modimo o boletše bjalo, re ya go ba le lona go le bjalo!’ Se se ile pele go kgabola mengwaga.

⁴⁶ ‘Gomme morago ga ngwaga ka morago ga ngwaga wa go feta, Mna. Mogononi, Mna. Mosedumele, bohole ba bona ba dirile metlae ka nna. Eupša mo mengwageng ye masomepedi tlhano moragwana, lesea le belegwe ge ke be ke le bogolo bja mengwaga ye lekgolo. Modimo ga se a mpotša ke be ke tla ba le lesea letšatši la go latela. O rile ke be ke tla ba le lona! Gomme ga ke kgathale go tšere botelele gakaakang, Modimo o le tshepišitše! Ke letile mengwaga ye masomepedi tlhano. Ba naganne ke be ke eya go tšofala kudu ke be ke tla hwa, eupša ke rile, ‘Nka se hwe, tshepišo e go nna. Modimo o boletše bjalo!’

⁴⁷ ‘Ka fao Mna. Mokweri le Mna. Mosedumele, Mna. Mogononi, Mna. Mofelapelo, kgafetšakgafetša ba tlie kgauswi, ba bile le monna a tloditšwe, o rile, ‘Abraham, ke bana ba bakae bjale, *tatago ditšhaba*, o nago le bona?’ Eupša ke ile ka swarelala go iketla, ka gore ga se ka ke ka sišinyega ka Lentšu la Modimo ka gosedumele. Ke tsebile Modimo o be a kgona go boloka Lentšu le lengwe le le lengwe A le tshepišitšego. Ga se nke ka ela mmele wa ka mong šedi, ebile o hwile, le go hwa ga popelo ya Sarah. Eupša ke dumetše go Modimo. Ba rile, ‘Gabotse, ke naganne o boletše mengwaga ye masomepedi tlhano ya go feta o be o eya go ba le lesea?’ ‘Ke e boletše mengwaga ye masomepedi tlhano ya go feta.’ Eupša Mna. Mofelapelo kua, o rile, ‘Gabotse, mengwaga ye masomepedi tlhano e fetile. Itebelele bjale! Maledu go theogela matolong a gago, go nyakile. Lebelela, o mokgalabje.’ Ke mo dirile a tsebe gore Modimo ga se a mpotša ke be ke eya go ba le lesea le neng. O rile, ‘O tla ba le lona ka Sarah,’ gomme seo se e rarolotše! Ke swareletše go iketla. Bjale Lentšu ga se la ke la bolela gore *neng*, Le rile le be le tla ba!’

⁴⁸ A re bitšeng hlatse ye nngwe ka pelapela, ga re na le nako ye ntši. Re ka kgona go bitša makgolo a bona. A re bitšeng hlatse ye nngwe gabjale, Moshe, re be le yena a pake.

⁴⁹ ‘Gobaneng,’ o rile, ‘ke be ke hlahlilwe ka go bohlale bjhohle bja Baegepeta. Ke be ke le moprofesa yo a bego a ka se be le bjona. Eupša letšatši le lengwe ka lehlakoreng la morago la leganata, morago ga ge ke be ke le mengwaga ye masomeseswai bogolo, ke kopane le Modimo. Gomme O be a le ka sebopego sa le—sa le leswao, gomme O be a le mollo wo o tukago morago ka sethokgweng. Gomme O—O mpoditše gore O be a kwele metsetlo ya batho ba Gagwe, gomme O eletšwe tshepišo ya Gagwe go ba lokolla. Gomme O rile, ‘Ke a go roma.’ Gomme ke rile, ‘Ke nna mang? Ga ke kgone go bolela gabotse. Ga—ga—ga se nna—ga se nna moithutamodimo. Nka—nka se kgone go ya.’ O rile, ‘O tla fiwa maswao a mabedi. Le lengwe la ona le tla ba ka seatleng sa gago, le lengwe le tla ba ka lepara. Gomme ge ba sa kwe

digalontšu tša leswao le, gona tšhela meetse godimo ga mobu, a tla fetoga madi, gona seo se a e fetša.’

⁵⁰ “Ge ke tšere leswao la ka leo Modimo a mphilego le go ya tlase pele ga Farao, Modiša Farao, o lekile go dira mpho ya ka go lebega mohuta wa meriti. O rile, ‘Bontšintši mmolelelamahlatse goba Moegepeta e ka ba mang a ka kgona go dira seo. Bontšintši monna wa maleatlana a go tšhipa e ka ba mang a ka kgona go retolla manka a.’ Gomme o ntšhitše baisa ba babedi ka leina la Jamboro le Jannes, gomme gabotse ba ekišitše se sengwe le se sengwe seo ke se dirilego. Eupša seo ga se sa ke sa nkemiša, ka gobane Segalontšu seo se nthomilego e be e le Segalontšu sa Lengwalo, gomme ke dutše le sona. E be e le Lentšu la Modimo.

⁵¹ “E be e le leswao la Lengwalo le Segalontšu sa Lengwalo, ‘Gobane Ke elelwa tshepišo ya Ka, gomme nako e batametše.’ Ba be ba se ne baprofeta ka Israele lebaka la makgolo a mengwaga, mengwaga ye makgolonne le masomenne, ba be ba se ba ke ba be le baprofeta ka go Israele. Eupša O rile, ‘Ke go roma go ba yo motee.’” Gomme o ile. “Gomme O mpoditše seo, bakeng sa leswao, ke tla ‘tla morago le go tliša bana thabeng ye.’ Go tšere nako ye telele, eupša ke dirile. Ke dutše thwi go rereša go Lentšu. Gomme ge Jamboro le baekiši bale ba nama bao ba lekilego go e kwera, efela ke tsebile ga go kgathale ba ka kgona go fa dikwero tše kae . . .”

⁵² A le a tseba seo se ya go bušeletšwa gape ka matšatšing a mafelelo? Jesu o boletše bjalo. Beibele e rile, “Bjalo ka ge Jannes le Jamboro ba emelane le Moshe, le banna ba ba tla dira bjalo ka matšatšing a mafelelo,” baekiši ba leka go dira boka, ba kopiša ka morago.

⁵³ Eupša o rile, “Ke šišimetše gobane ke tsebile Segalontšu e be e le Segalontšu sa Lengwalo.” Efela go be go le ba babedi ba bona, gomme yo motee feela wa gagwe. Eupša o ile tlase le go dira se a . . . gomme o, e netefaditše go ba therešo, o tlide thwi morago thabeng moo Modimo a mmoditšego.

⁵⁴ “Tepogela fase, Moshe. A re bitše hlatse ye nngwe thwi ka pela. Joshua.”

⁵⁵ Joshua o rile, “Ge re be re batamela naga, re tlide godimo Kadese-banea. Gomme Moshe, mohlanka wa Modimo, o ile le go tšea bohole ba . . . yo motee go tšwa molokong wo mongwe le wo mongwe, yo motee go tšwa go kerekeleina ye nngwe le ye nngwe, gomme o rile, ‘A re yeng ka mošola gomme re hhole naga.’ Gomme re ile mošola, ba babedi ba rena, le go tliša bohlatse morago gore naga e be e lokile.” Ba bile le bohlatse bja yona. Bona ba be ba le Mapentecostal a kgonthe. “Kafao ba tlide morago le bohlatse gore naga e be e le botse. Eupša ge go etla go tšea naga ya go tlala, ba rile, ‘Re ka se kgone go e dira. Re ka se kgone go e dira. Ga re kgone.’ Gomme batho ba be ba kgeigile gohle, ba sa tsebe ba ka dira eng, mokgatlo wo ba tla yago go ona. Gomme ke ile ka

ba homotša, ka re, ‘Elelwang, ke tshepišo ya Modimo! Modimo o rile, “Ke le file naga ye.” Gomme se Modimo a se tshepišago, O tla se dira! Ke dirile batho go homola. Letšatši la go latela, o re, ‘A re ya go tloga?’ Letšatši la go latela, ‘Re ya go tloga?’ E bile mengwaga ye masomenne moragwana, eupša re tšere naga!’”

⁵⁶ Hlatse e tee gape, ka pelapela, a nke ke bitše Jesaya go boemo. “Jesaya, a o ka paka bakeng sa Hlatse ya Bosekišwa, le go re fa tšhireletšo bakeng sa basekišwa, Mosekišwa?”

⁵⁷ “Ke tla dira. Ke be ke le moprofeta. Ke be ke le moprofeta yo a hlatsetseditšwego. Se ke se boletšego, e be e se . . . Ke—ke be ke sa tsebe se ke bego ke se bolela, eupša Modimo o dirile se ke se boletšego go tla go phethega. Yo mongwe le yo mongwe o thoma go se dumela, kerekere yohle, ba thoma go se dumela. Gomme letšatši le lengwe selo sa go tlabla se diregile. Morena Modimo o rile go nna, ‘Israele e nyaka maswao, kafao Ke nyaka ba dire leo, eupša Ke ya go ba fa Leswao la godimodimo. Gomme leo e ya go ba la lebaka la godimodimo, ge ba na le mabenkelekgorparara a godimodimo le ditšete tša godimodimo, se sengwe le se sengwe sa godimodimo. Ke ya go ba fa Leswao la godimodimo, kgarebe e tla ima!’ Gomme nna ke le moprofeta yo a hlatsetseditšwego, kgarebe ye nngwe le ye nngwe ye nnyane e beile diputswana tša gagwe komana, le se sengwe le se sengwe gape, o be a ‘eya go ba le lesea,’ ee, mohlomphegi, o be a le ‘yena Jehofa a mmiditšego.’ Mehuta yohle ya dilo e ile pele. Ee, mohlomphegi. ‘Gabotse, bjale, re mo letetše, morwedi wa ka, go ima.’ Yo o naganne *yo*, mosetsana yo mongwe le yo mongwe o be a e nyaka. Mengwaga e fetile. Ba bangwe ba bona ba ngwaiile hlogo ya bona, ba rile, ‘Moprofeta yola wa kgale wa maaka.’ Eupša e bile mengwaga ye makgolo seswai moragwana. Ga se A bolela gore o be a tla ima *neng*, O rile o be a tla ima! Mengwaga ye makgolo seswai moragwana kgarebe e imile.”

⁵⁸ Bjale bakeng sa hlatse ya mafelelo, ge le ka ntshwarela, a nka ba hlatse ya mafelelo? Seo ga se morago ka Beibeleng, seo ke bjale. A nke ke be hlatse ya go latela, feela lebaka la metsotsso e se mekae pele re thoma mothalo wa thapelo. Gomme theetšang sekgauswi. Ke tla rata go fa bopaki bakeng sa Gagwe. Ke tla rata go biletšwa go boemo, gomme ke phagamiše seatla sa ka go bolela Therešo, e sego selo eupša Therešo.

⁵⁹ Ke rata go bolela, ke ile ka tsoge ka ba Mokriste bjang? Tate wa ka le mme, rakgolo, makgolo, ka mahlakoreng a mabedi, e be e le badiradibe bohole. Tlhago ya ka e be e le mogomarelakgapana, ke ya go tsoge ka ba bjang thoro ya korong? Eupša mosong wo mongwe ka ntlong ye nnyane ya dikota tlase ka Kentucky, mme wa ka le mmelegiši ba boletše bjalo, ka Aporele la 6, iri ya bohlano mosong, 1909, ge Morena Modimo a ntliša ka lefaseng, go be go le Seetša se eme lefastereeng le lennyane. Gomme ge ba buletše lefastere morago, mme a robetše godimo ga mpete wo monnyane wa mooko, go hwetša gore ke mohuta mang wa lesea

a bego a na le lona, Seetša sa tla se dikologela ka gare. Gomme batho ba dithabeng ba be ba sa tsebe ba nagane eng ka Sona. Ke be ke le yo monnyane kudu go tseba se.

⁶⁰ Gomme bjalo ka ngwana, a ka bago bogolo bja mengwaga ye seswai, šupa goba seswai sa mengwaga bogolo, ke be ke rwalela meetse go ya go botitielo bja khatšha bjoo tate wa ka a bego a le mong wa bjona. Gomme mola morago ga sekgalela o mongwe wa borutho wa Setemere, ke dutše fase, ke lla, ke eya go rea dihlapi ka ntle mogobeng le bašemane, gomme ba...ga se ke kgone go ya pele ka baka la gore ke be ke swanetše go rwala meetse a. Ke kwele se se bjalo ka Sesaesedi ka mohlareng, e ka ba seripa tsela godimo. Go le bjalo, mogohle gape, Setemere ka Indiana, se sengwe le se sengwe se homotše ka kgonthe, se a hwa, setu. Gomme Sesaesedi se ka sethogkgweng, go tlile Segalontšu go tšwa fao, gomme se rile, “O se tsoge wa kgoga, wa nwa, wa tšhilafatša mmele wa gago (seo ke go kitima le basadi), e ka ba eng boka yeo, ka gore go na le mošomo wo o swanetšego go o dira ge o eba yo mogowlane.” Gomme mme wa ka o biditše ngaka, o naganne ke be ke tšhogile kudu.

⁶¹ Beke ka morago ga fao, ke bone Leporogo la Masepala, ka go mantladima, bjalo ka ge ke a biditše, ke bone Leporogo la Masepala le kgabaganya Noka ya Ohio, ke bone monna ba lesometshela ba lahlegelwa ke bophelo bja bona godimo ga lona. Mengwaga ye masomepedi pedi go tloga letšatšing leo, Leporogo la Masepala le putla lefelo la go swana, gomme monna ba lesometshela ba lahlegetše ke bophelo bja bona ka go lona.

⁶² Ka Green's Mill bošego bjo bongwe, ke sa tsebe gore se sohle e be e le ka eng... Moragwana ke bile modiredi go direla Morena. Ka Green's Mill bošego bjo bongwe... Badiša ba ka ba be ba sa tšo mpotša... Ke be ke tla ba botša ka ga go ya, go beng le...go kgona go bona dilo, gomme ba mpoditše gore e be e le diabolo. Gomme nna ke le Mokriste, ke be ke sa nyake selo go dira le diabolo, le ga tee. Kafao ke ile godimo fale, ke rile, “Morena, nka se dumelele...go ya go kgabola bophelo boka bjo.” Gomme ke dutše godimo kua ka lefelong le lennyane moragorago ka kampeng ya go thea dihlapi, ke rapela. Gomme bošego bjo bongwe fale, bjalo ka ge Morena a boletše le nna, gomme mo mohlareng, boka A dirile go Moshe. Ka gona mo Green's Mill ye, go tlile Monna ka gare gomme a mpotša gore, e sego go leka go mo kgopela, “Fediša Se,” eupša E be e le mpho e rometšwe go tšwa go Modimo, yeo e bego e swanetše go tšeelwa go batho ba lefase, le go ntira ke tsebe ka Mangwalo gore dilo tšohle tše tseo di tshepišitšwego go ya ka Beibele di swanetše go phethagatšwa, gore nako e be e batametše.

⁶³ Gomme ke ile morago le go botša modiša wa ka. Ke ile tlase le go mmotša, gomme o rile, “Billy, o jele eng? A o bile le toro, a e be e le sekatapowana?” Eupša, go nna, e be e le Maleaki 4. O rile, “O ya go e dira bjang?” E be e le Luka 17:30. Gape e be e le

Kutollo 10. Gape e be e le Mangwalo a ohle ao a tshepišitšwego go matšatši a mafelelo. Ga se ke e bone e dirwa thwi nako yeo. Batho ba maketše, "Se se ya go direga neng?" Eupša ke nno swarelela.

⁶⁴ Letšatši le lengwe nokeng, ke be ke kolobetša batho ba makgolotlhano nokeng, ge, ka pelapela, Seetša se se swanago se sa go tla ka gare ge ke be ke sa le mošemané yo monnyane. Gomme ke be ke boditše batho gore ke be ke Se bona. Ba rile ke be ke lora gomme e be e le mohuta wa kgopolo ya monagano ye ke bilego nayo. Eupša pele ga bokaonana go feta batho ba dikete tše tlhano, ka iri ya bobedi morago ga sekgalela, ka 1933, go tšwa lefaufaung go tlie Leru le le etla fase, le bolela Mantšu a, "Bjalo ka ge Johane Mokolobetši a romilwe go bula madibogo go tla la pele ga Kriste, bodiredi bja gago bo tla bula madibogo go tla la bobedi ga Kriste," moo dikete atiša ka dikete tša batho ba le kwelego, gomme dikuranta di fa bohlatsé bja yona.

⁶⁵ Ke nyaka go bolela, gomme ke nyaka go biletša se go šedi ya motšhotšhisi yola wa sefolu yo a lebeletšego go dikologa monna yo mongwe go ba le mabadi a meetlwa le dipikiri, le se sengwe le se sengwe ka mokgwa woo. Ga e bolele seo! Ga e fe tshepišo ye bjalo.

⁶⁶ Re bala fa ka go Luka, tema ya 17 le temana ya 30, Jesu a bolela, "Bjalo ka ge go bile ka matšatšing a Sodoma, go tla ba bjalo ge Morwa wa motho a tla utollwa." Ge A utollwa! Ke nyaka go gogela šedi ya lena go se feela metsotso e se mekae, ge le ka nkgotlelela feela metsotso e se mekae boteletšana bjale. Ebang tlhomphokgolo ka kgonthelbaka la metsotso e se mekae feela.

⁶⁷ Elang hloko, Jesu o rwele maina a mararo; Morwa wa motho, Morwa wa Dafida, Morwa wa Modimo. O bile le maina a mararo. Ohle motho yo a swanago, eupša ka maina a mararo. Go no swana le Tate, Morwa, Moya wo Mokgethwa; ohle Modimo yo a swanago, dikgopolu tše tharo.

⁶⁸ Go no swana le nna. Mosadimogatša wa ka o mpitša monnamogatša. Bana ba ka ga ba ne selo go dira le nna ka leina la monnamogatša, ke nna papago bona. Setlogolomorwa sa ka se sennyane se dutše godimo kua, ga se na le selo go dira le nna ka leina la papa, ga go selo ka leina la monnamogatša, ke setlogolo sa ka. Gomme yohle ke motho wa go swana.

⁶⁹ Gomme re ela hloko ge Jesu a etla le go leka go ikutolla ka Boyena bjalo ka Morwa wa motho (le se ke la foša se), ge A ikutollotše ka Boyena gomme a ipitša ka Boyena, kgafetšakgafetša, "Morwa wa motho," Israele e be e foufaditšwe. Ba be ba sa tsebe selo ka se Morwa wa motho a bego a se ra. Eupša ba rile, "Morwa wa Dafida," ge Barothomio wa Sefofu a kitimela ntle gomme a Mo lemoga. *Dafida* o be a e ra "Kgoši." Elelwang, Morwa wa motho, Morwa wa Dafida, Morwa wa Modimo (e bego e le Morena). Mojuda yo o hweditše se a se kgopetšego gobane

o Mmatametše ka Leina la Morwa wa Dafida, Kgoši; O be a se Mophološi, eupša O be a le Kgoši.

⁷⁰ Eupša ge mosadi wa Mogerika, Mosirofenike o Mmatametše ka leina la Morwa wa Dafida, Yena ga se a ke a bile a emiša hlogo ya Gagwe kudu. O be a se na le tteleime go Yena ka leina la Morwa wa Dafida. O be a se Morwa wa Dafida go mosadi yola wa Mosirofenike. Eupša ge a rile, “Morena,” ka gona A retologa go dikologa. O be a le Morena. Le a bona? Morena, O be a le Morena! Ga go Morwa wa Dafida go yena.

⁷¹ Bjale, gobaneng A be a sa lemogwe bjalo ka Morwa wa motho? Morwa wa motho e be e le kutollo ya semoya, moprofeta. *Morwa wa motho* go ra “moprofeta.”

⁷² Bjale ge le ka phetla godimo ka Dibeibeleng tša lena go Hesekiele, tema ya 2 gomme temana ya 1, le tla hwetša gore Hesekiele o be a le moprofeta, Lentšu la Modimo bakeng sa letšatši leo. Gomme Jehofa ka Boyena o mmiditše morwa wa motho. Jehofa o mmiditše monna, morwa wa motho, go swana le ge Jesu a ikutolotše ka Boyena bjalo ka Morwa wa motho. E be e le eng? Lentšu le le tshepištšwego la iri yeo le dirwa go bonagala, Modimo wa go swana! Modimo wa nako ya Hesekiele, Modimo wa nako ya Jesu, Morwa wa motho! O be a se ka nako yeo . . .

⁷³ O be a le Morwa wa motho gobane O be a tlie go ikutolla Yenamong go Israele bjalo ka Moprofeta, gomme ba e ganne. Gomme seo e bile seprofeto seo ba bego ba swanetšego go Mo amogela ka go sona, ka leina la Morwa wa motho, Moprofeta, gobane e be e le go ya ka Lentšu. Doiteronomio 18:15, “Morena Modimo wa lena o tla tsoša Moprofeta wa go swana le nna.” Gomme ge A etla, O itsebagaditše Yenamong ka go bodiredi bja Gagwe bjalo ka motho, e sego Morwa wa Modimo, Morwa wa motho! Modimo ke Moya. Gomme O ikutolotše ka Boyena bjalo ka Morwa wa motho, se A tteleimago go ba sona. Gomme ba be ba foufaditšwe gomme ba sa kgone go se bona.

⁷⁴ Eupša bjale go Bantle O ikutolla Yenamong, gomme bjale Morwa wa Modimo e lego Moya wo Mokgethwa. Bjale, Jesu o rile, “Bjalo ka ge go bile ka matšatšing a Sodoma!”

⁷⁵ Ke nyaka motšotšisi yo wa sefov go bona se. Ke mohlatholli wa sefov wa Lentšu, ka mehla. O tsea dikgopolو tša gagwe tša mokgatlo tša Lona, gomme ga a tsebe selo ka Lona go feta selo. O e dira gore e fore, ka baka la gore ke mofori mathomong.

⁷⁶ Jesu o rile, “Bjalo ka ge go bile ka matšatšing a Sodoma, ge Morwa wa motho a utollwa!” Ka matšatšing a Sodoma go be go le Morwa (yoo e be e le Modimo) a utolotšwe ka nameng ya motho, ye e bego e bitšwa Melekitsedeke nako ye nngwe, Tate. Melekitsedeke ka nako yeo o be a se na le tate gomme a se na le mme, gomme a se na le mathomo a matšatši goba mafelelo a bophelo; e ka ba Mang A bilego, O dula a swana. Jesu

o bile le Tate le mme; eupša Monna yo ga se a be le tate goba mme. Gomme O tšweletše go Abraham ka sebopego sa Morwa wa motho, Elohim, Jehofa. Kereke bjale e diretše lebaka go kgabola lebaka la kereke, ka go kolobetšo ya Moya wo Mokgethwa. Eupša Jesu o boletše mo, go dira Maleaki 4 le Mangwalo ka moka a kgonthe go lena, le a bona, gore “Ka matšatšing a mafelelo, feela pele ga go Tla, lefase le le dutšego le tla swana le Sodoma, gomme Morwa wa motho o tla ikutolla ka Boyena bjalo ka Morwa wa motho go swana le ge A dirile ka matšatšing a Sodoma.”

⁷⁷ Motšotšhisi wa sefofu, a ga o kgone go bona seo? Mantšu a Gagwe ke therešo. E sego mabadi a sepikiri le mengwapo le meetlwa.

⁷⁸ Ke Morwa wa Modimo a ekišitšwe ka Kerekeng ya Gagwe, bjalo ka Morwa wa motho. E swanetše go phethagatša Maleaki 4 le Mangwalo ka moka. Ke biletša go šedi ya kgorotsheko, lebelelang yeo gabotse ka kgonthe, “Morwa wa motho”! Go swana le Modimo Tate, Modimo Morwa, Modimo Moya wo Mokgethwa; ke Modimo yo a swanago, ditholanakgopolو tše tharo tše di fapanego tša Modimo yo a swanago. Bjale, yo ke Morwa wa Dafida... Morwa wa motho o utolotšwe nako yeo bjalo ka Moprefeta. Morwa wa Dafida, Kgoši. Gomme bjale Morwa wa Modimo go lebaka la kereke, bjalo ka, Modimo ga se motho, Modimo ke Moya, gomme Morwa wa Moya ke Moya wo Mokgethwa, wo o utollago lebaka la kereke. Eupša o tshepišitše fa, “Mo matšatšing a mafelelo, gore Morwa wa motho o tla utollwa”!

⁷⁹ Motšotšhisi wa sefofu, a o hwetša seo? Gomme ke nyaka o tsebe, motšotšhisi wa sefofu, re a O bona, re a O dumela, Mantšu a a phethagaditšwe pele ga rena gomme re a tseba gore ke Therešo.

⁸⁰ Go Bajuda O be a le Morwa wa Dafida. Go Bagerike O be a le Morena, go rena Yena ke Morena, go Bantle. Gomme bjale ka matšatšing a mafelelo, O tla bowa morago gape bjalo ka Morwa wa motho, gobane Maleaki o tshepiša gore go tla ba moperfeta yo a tsogago mo matšatšing a mafelelo yo a tla bušetšago dipelo tša batho morago go (kgole go tloga go yona mekgatlo) morago go Lentšu la setlogo, Tumelo ya botate, Pentecost ya setlogo. Gomme ge A e dirile, Mokgethwa Johane 14:12, mediro ye A e dirilego e tla dirwa le yona. Kutollo 10 e tshepišitše sephiri ka moka. O ya go utolla bjang diphiri? Le bona se Luther a se tlogetšego, le bona se Wesley a se tlogetšego, le bona se Pentecost e se tlogetšego, le go utolla sephiri sa pelo, go e dira Modimo wa go swana go kgabola lebaka le lengwe le le lengwe, e sego selo eupša Lentšu la Modimo le dirwa go bonagala morago go Morwa wa motho gape. Ga re lebelele mabadi a sepikiri; re lebeletše Lentšu le le dirilwego go bonagala. Elang hloko, Modimo o tshepišitše dilo tše bjale, gomme O e dira feela bjalo ka ge A

boletše. Nka kgona go bolela bontši, eupša, re tla tlogela thuto, go ba thari.

⁸¹ Mna. Motšhotšhisí, ke nyaka o tsebe gore nka kgona go bitša dikete tša dihlatsé fa morago ga sekgalela se. Ke nyaka o tsebe gore dilo tše A boletšego gore O di dirile, re dihlatsé gore “O boloka Lentšu la Gagwe!” Go na le kopano ya mmapale ya Moya wo Mokgethwa! Go na le maatla a mmapale a Modimo! Gomme go na le tshepišo ya mmapale gore ba tla welwa ke maruru, ge ba bea diatla go balwetši. Ke nyaka le tsebe seo. Ke nyaka le tsebe O rile, “Bjalo ka ge go bile ka matšatšing a Sodoma, go tla ba bjalo ka go tleng ga Morwa wa motho.”

⁸² Ke nna mosetsebje, gomme ke no bea bohlatsé bja se Beibele e se bolelago go ba Therešo. Ge le ka ela hloko, Morongwa wa Morena yo a tliego ka sebopego sa monna, o bile le mokokotlo wa Gagwe o furaletše tente, gomme O boditše Abraham se Sarah a bego a se nagana. Jesu o rile se tla bušeletša. Bjale, ge ke boletše Therešo, a nke Modimo a tiišetše yeo go ba Therešo. A nke A e utolle. Gona, ga se sephiri, re a tseba gona. Mo... Ke tla tlogela kgorotsheko ye morago ga sekgalela se ka kahlolo ye, go dira ka monaganong wa lena beng. A nke Modimo yo a dirilego tshepišo... E sego morago ka go wona matšatši; a be a hlatseditšwe. A nke Modimo yo a dirilego tshepišo a e hlatsèle lehono, a bolele go swana. Ba bangwe ba lena, nagana ka pelong ya gago, rapela Modimo bakeng sa bolwetši bja gago goba tlaišego ya gago, le go bona ge eba Modimo o tla utolla sephiri sa pelo. Ke a le hlohlha go e dira, go tloga lehlakoreng le tee go ya go le lengwe. Bjale, a nka leka go dira selo boka seo ge nkabe ke se ka ema tlwa go se Lengwalo le se bolelago? Ke nyaka kgorotsheko ye go bona gore O a swana maabane, lehono, le go ya go ile, gore O boloka tshepišo ya Gagwe. Gomme O tshepišitše gore Jesu Kriste o tla utollwa mo matšatšing a mafelelo, bjalo ka Morwa wa motho. [Ga go selo go theipi—Mor.]

⁸³ Monna a dutšego fa a sotlega ka diphaele. Ga se ka ke ka go bona ka bophelong bja ka. Ge seo e le therešo, emišetša seatla sa gago godimo. A o ntumela go fa bohlatsé bja Lentšu la Modimo? Yoo ke mosadimogatša wa gago a dutšego kgauswi le wena. O a tlaišega le yena, sekutu hlogong ya gagwe. Yeo ke nnete, phagamiša seatla sa gago. A o a dumela gore Modimo a ka kgona go mpotša gore o mang? Ge A sa le Lentšu, Lentšu le tseba sephiri sa pelo. Lena L Mna. le Mdi. Hunt. Ge yeo e le therešo, emišetša seatla sa gago godimo. Ka baka la eng o sa Le dumele?

[Kgaetšedi o thoma go bolela ka leleme le lengwe. Ga go selo lefelong la theipi—Mor.]

⁸⁴ Mo, mo go dutše monna o dutše thwi mo, hlogo ya gagwe fase, o a lla, o a ithapelela ka boyena le gape bakeng sa mosadimogatša wa gagwe. Ga a gona fa. Ga a ne lena morago ga sekgalela se. O a tlaišega. O nagana gore Modimo a ka kgona go mpotša

gore bothata bja gagwe ke eng, gomme yena a se gona mo? O a e dumela? O a dira? Ke mosetsebje go wena, a yeo ke nnete? Mosadimogatša wa gago o ne bothata bja sesadi. Ge seo e le therešo, emišetša seatla sa gago godimo, godimo, gore ba se bone. Gomme leina la gago ke Mna. Smith. A o a dumela gore Modimo o tla mo dira a fole? Ge seo e le therešo, šišinyetša seatla sa gago godimo le fase, ka mokgwa *wo*.

Ke a le hlohla go dumela gore Jesu Kriste o utollwa ka sebopego sa Morwa wa motho, ka nameng ya motho, ka Mmele wa Monyalwa. Amogela pitšo ya Gagwe.

⁸⁵ Mosadi šo o dutše mo o ntebeletše. O tlaišega ka kgatelelo ya godimo ya madi. A o a dumela gore Modimo a ka kgona go mpoča gore o mang? Ba go bitša Daisy. Ge o... A yeo ke nnete? Phagamišetša seatla sa gago godimo. Dumela bjale ka pelo ya gago yohle, Jesu Kriste o tla go dira... go go fa tlhologelo ya gago. Le a bona, O a swana maabane, lehono, le go ya go ile. A le a e dumela?

⁸⁶ Monna šo o dutše thwi morago mo o ntebeletše, o na le morwalo pelong ya gagwe. Ke bakeng sa morwa wa gagwe, morwa o na le bolwetši bja swikiri. A o a dumela? Yoo e bile mosadimogatša wa gago yo a thomilego go lla thwi kgauswi le wena fao, o na le morwalo pelong ya gagwe. Woo ke bakeng sa samme wa gagwe. Samme wa gagwe o na le bothata bja pelo, tlhakahlakano. Le Mna. le Mdi. Sickles. Ge seo e le therešo, šišinyetša seatla sa gago godimo le fase ka mokgwa *wo*. Ge ke le mosetsebje wa go felela go wena, ema ka maoto a gago. Emelela, ge ke le mosetsebje go wena gomme ke sa go tsebe.

⁸⁷ Ke eng? Go phethagatša Lentšu la Modimo ka matšatšing a mafelelo! Motšotšisi, ke nyaka o tsebe gore Lentšu la Modimo ke therešo. Modimo o mpoditše seo mengwaga ye masometharo tharo ya go feta. Ke letile nako ye yohle, eupša e phethagaditšwe thwi fa morago ga sekgalela se. Modimo o boloka Lentšu la Gagwe! O a swana maabane, lehono, le go ya go ile. Modimo a go šegofatše; sepela gomme o hwetše tlhologelo ya gago bjale.

⁸⁸ Monagano wa gago ke lekgotla la baahlodi. Lekgotla la baahlodi le swanetše go dira sephetho sa lona. Gomme ka tsela ye o dirago go tloga bjale go ya pele go tla bega goba go laetsa batho se kahlolo ya gago e lego sona. A O ne molato goba ga A ne molato? A le a dumela gore ga A ne molato, gore O boloka Lentšu la Gagwe? Ke rena ba re nago... Re theeditše mokgalabje Mofelapelo, Mna. Mosedumele, le Mna. Mogononi. Eupša bjale o tla dumela gore Modimo o boloka Lentšu la Gagwe? Monagano wa gago ke lekgotla la baahlodi. Gomme ka tsela ye o itshwarago go tloga ka morago ga fa o tla netefatša go batho se kahlolo ya gago e lego sona. A le dumela seo? A re inamišeng dihlogo tša rena gona.

⁸⁹ Ke le boditše Therešo ya go botega. Ge re be re na le nako ya go dula mo, ga go Lengwalo ka Beibeleng eupša le le tlago go paka go selo se se swanago. Ke bile go botega. Le a tseba, dinako tše dingwe, go botega ga se tsela ye bonolo. Eupša ge feela Modimo a eme fale! Go be go se bonolo go Luther, Wesley, goba le go o tee wa bohle. Ga go bonolo go wena goba e ka ba mang gape yo a tšeago go maemo. Eupša morago ga sekglela se o swanetše go dira go ema ga gago. Yena ga se nke a re . . . O rile, "Ba tla bea diatla godimo ga balwetši, gomme ba tla welwa ke maruru." Ge o e dumela, gona ga ke kgathale ge e direga thwi fa, ge e direga beke ye e latelago, e direga mengwaga ye masomepedi go tloga lehono; ge ka go felela o e dumela, e swanetše go direga. Ke . . .

⁹⁰ Go na le ngaka e dutše e le gona bjale, bjalo ka ge ke kwešiša. Ke nyaka go mo leboga. Ke be ke le go molwetši, go bona molwetši wa gagwe, lebakana la go feta, ka leselaphutiana mosong wo ka sepetlele, yo a swanetšwego ke go hwa, ba nagana bjalo. O jelwe ke kankere kudu. Gomme mosadi yo monnyane yo o rile go nna, o rile, "Ngaka ya ka e be e tsenetše kopano ya gago, gomme o dumelelana le wena. Gomme e sego seo feela, eupša, Ngwanešu Branham, ke nyaka o tsebe o eme le wena ka thapelang bakeng sa ka." Ge ke be ke hloka šedi ye e itšego ya dihlare, ke be ke tla nyaka a mphe yona, monna yo a ka tshepago Modimo ka mokgwa woo! Ee. Ba ka go mesepelo yohle ya bophelo, ka go mešomo yohle.

A re elelweng, kahlolo ke ya gago bjale.

⁹¹ Morena Jesu, ke sa tšwa go leka go hlatholla Lentšu. O pakile gore Ke Therešo. Dihlatse tša Gago, re ka be re biditše makgolo, gomme efela ga re ne nako. Mo gape go robetše disakatuku, di robetše mo, tse di yago go balwetši le batlaišwa, thwi fa moo Moya wo Mokgethwa o fago bohlatsé gore Jesu o sa phela. Re Mo tseba ka Bophelo bja Gagwe, bophelo bjo A bo phetšego, dilo tše A di dirilego. Gomme re a rapela, Modimo, bjale ge re bea diatla godimo ga disakatuku tše, gore mang le mang di mo kgwathago a nke ba fodišwe. Ke neela thapelo ya ka, ka tumelo, mmogo le sehlopha se sengwe se sa badumedi, bakeng sa ba ba ba sa kgonego go ba mo. A nke ba ipshine ka bogolo bja Modimo. Ba ka no ba ba babja gomme ba ka se kgone go tla. Tate tsoko wa kgale wa go šokiša o dutše morago fale ka kamoreng, o swere lehlotlo le lennyane le lešweu, morago ga sekglela se, o letile sakatuku se go bowa. Lesea lela le robetše fale ka sepetlele, le eswa ka letadi, gomme yo mongwe o letile go le tlišetša sakatuku. A nke maatla a Ramaatlakamoka Modimo a ye le bona, a ba tlotše ka tlotšo ya go swana yeo e bilego godimo ga kopano morago ga sekglela se. Gomme a nke ba folo, Morena. Re neela thapelo ye legatong la bona, ka baka la gore ba be ba se gona. Eupša O motlagohle. A nke O be fao go tlišetša Lentšu la Gago, ka Leina la Jesu Kriste.

⁹² Bjale a nke Moya wo Mokgethwa ka therešo, e sego maikutlo, e sego mohuta tsoko wa feela kholofelo ya seripa, eupša kahlolo

ya mmapale e ka no fetišešwa bakeng ye, ye ke se bitšago morago ga sekgalela se, "kgorotsheko." A nke yo mongwe le yo mongwe wa bona a fe bopaki go swana, ge ba tsea karata ya bona ya thapelo le go swara ka diatleng tsa bona, ge ba kgabaganya sefala. A nke, ge ba...ba direlwa go ya ka tema ya 16 ya Mokgethwa Mareka, "Ba tla Bea diatla tsa bona godimo ga balwetši, gomme ba tla welwa ke maruru." Bjalo ka ge mohlanka wa Gago yo a kgethilewego a eme fa gomme re Bea diatla tsa ren a godimo ga bona, Morena, a nke e e rarolle go ya go ile. A nke ba ye ka ntle ga fa ba no thaba, gomme ba lebale ka ga ba kile ba ba le mathata e ka ba afe, gobane ba ne kgonthé, boka Abraham a bile, gore Modimo o kgona go phethagatša ditshepišo tše A di dirilego. Re kgopela Leineng la Jesu. Amene.

Ke a Mo rata, ke a Mo rata
Gobane O nthatile pele
Gomme a lefela phološo ya ka
Godimo ga mohlare wa Khalibari.

⁹³ Ke ba bakae ba nago le kahlolo ya lena? Phagamiša seatla sa gago, "Ke na le kahlolo ya ka." Go lokile, kgorotsheko, le tla direlwa go ya ka Lentšu le Lekgethwa la Modimo, "Maswao a a tla latela bona ba ba dumelago." Ga ke ye go le tlogela le dutše mo, le nagana gore feela ka baka la mpho ye, gore yeo e dira e ka ba mang bontši e ka ba mang go feta e ka ba mang gape. Le na le badiša ba bomodimo mo. Ba mo, re be re eya go ba kgopela go ema le nna sefaleng. Ba tla Bea diatla tsa bona go swana le ge ke dira. Ba bile le ren a go tla fa, gomme ba fa bjalo ka ba lena...bjalo ka dihlatsé tsa Modimo. Ba rwala mabohlatse go Therešo. Bjale, le ka se kgone go re, "Ngwanešu Branham o beile diatla," gobane diatla tsa ka ga di fete tsa bona goba tsa e ka ba mang gape. Ke tumelo ya gago, kahlolo ya gago ye o e fetišago godimo ga Lentšu la Modimo. Modimo bo....Gomme ge Modimo a ka boloka karolo yela ya Lentšu le go e netefatša go lena, gona o šetše o fodišitšwe, ka gobane ka megogoma ya Gagwe o fodišitšwe.

⁹⁴ Bjale, ke nyaka bohole ba ba lego ka karolong *ye* godimo mo, ba ba nago le dikarata tsa thapelo, ba eme godimo ka lehlakoreng lela go dikologa leboto. Bjale, bohole ba ba lego ka lehlakoreng *le* mo, ba ba nago le dikarata tsa thapelo, emang ka bogareng bja mekgoba gomme le lebelele morago ka tsela yela. Gomme bohole ba ba lego ka lehlakoreng *le* mo, ba ba nago le dikarata tsa thapelo...Bjale, go karolo *ye—ye fa*, bjale retologelang morago ka tsela ye nngwe bjale, eyang morago ka tsela ye. Retologang ka tsela ye nngwe, gobane ke nyaka mothalo wa go otlologa. Bohle ba ba lego ka karolong *ye*, etlang ntle ka tsela ye, lebanyang morago ka tsela yela. Gomme bohole ba ba lego ka lehlakoreng *le* godimo mo, ba ba nago le dikarata tsa thapelo, etlang ntle ka tsela ye gomme le lebanyeng morago ka tsela yela, gomme mothalo wa thapelo o tla be o kitima. Bohle ba ba lego ka

bophagamong, ka dikarata tša thapelo, ba nyaka go rapelelwa, etlang thwi tlase le go wela thwi ka morago ga karolo ye ya go latela ge ba etla. Ge ba sa tla, ke . . .

⁹⁵ [Ngwanešu Branham o bolela le badiredi sefaleng—Mor.] A le nyaka ke bitše badiredi ba bangwe? A go lokile go fa bohlatse? Go lokile, a go lokile le lena bohole? Kahlolo ya *lena* ke eng ka tshekong? [Ngwanešu o a araba, “Ke a tseba gore tšona dilo ke Therešo.”] Go lokile.

⁹⁶ Badiša ba nyaka go tseba, ba nyaka kopanelo le badiredi ba bangwe. Ba nyaka modiredi e ka ba ofe ka fa yoo a dumelago go Modimo, le go dumela gore go bea diatla go balwetsi, ge kahlolo ya bona morago ga sekgalela se, gore ke “Therešo,” ba le mema bjalo ka badirišani ba bona go tla mo le go ema sefaleng le rena ge re rapela. Badiša bohole bao ba tladitšwego ka Moya wa Modimo, gomme kahlolo ya lena bjale ke gore le dumela gore O a swana maabane, lehono, le go ya go ile, le dumela gore Mareka 16 ke Therešo, badiša ba mo ba nyaka go le laletša godimo mo bjale bjalo ka badirišani ba bona go Ebangedi. Etlang godimo mo gomme le eme sefaleng le rena ge re dira methalo ye ya thapelo, go rapela. Thwi fa, ba tlišeng godimo ka tsela ye. Badiša bohole ka moagong, ga go kgathale kerekeleina efe. Ba nno mpotša go le kgopela. Etlang godimo fa ge le rata go tla ka nako ye, le go dira mothalo wo wa thapelo go rapelelwa, go rapeleta balwetsi, go bea diatla go balwetsi.

⁹⁷ Ke ba bakae ka mo ba ba sego . . . le fodile, bjale, gomme ga la swanela go rapelelwa, eupša le badumedi, phagamišetša seatla sa gago godimo. A le tla ntshepiša gape gore dithapelo tša lena di tla be di eya godimo le rena badiša ge re rapeleta batho ba? Go ka reng ge yoo e be e le mmago a emego godimo fale? Go ka reng ge yoo e be e le mosadimogatša wa gago? Go ka reng ge yoo e be e le ngwaneno goba kgaetšedi? Elelwang, ke mmago yo mongwe, ke ngwanabo yo mongwe, ke kgaetšedi wa yo mongwe, ke mošemane goba mosetsana wa mme yo mongwe, ke wa yo mongwe. Gomme re tla dira go ba bangwe bjalo ka ge re tla rata ba bangwe go dira go rena. Bjale, ke nyaka lena, yo mongwe le yo mongwe go ba tlhomphokgolo le ka thapelong.

⁹⁸ Gomme ge ba sa na le methalo ya bona e hlamiwa gohle bjale, go moo ba ka kgonago go tla go kgabola, Ke nyaka badiredi bjale go tla fa le go dira mothalo wa go menagana thwi go dikologa lehlakore la sefala fa, thwi godimo le fase ka tsela *ye*, ba dire mothalo wa go menagana gabedi gore batho ba feta kgauswi. Ke tla bea setšeantšu se morago, Mna. Borders o tla be a eme fa a hlahla ka pina. Yeo ke nnete, mothalo wa go menagana gabedi godimo le fase ka tsela *ye*, gore batho . . .

⁹⁹ Bjale, go yo mongwe le yo mongwe wa lena yoo a emego mothalong, go e dira kgonthe ya go menagana go Sathane, motšhotšhisi, gore sephetho sa gago se dirilwe. Kahlolo ya gago

e fetišitšwe, gore o dumela gore Mareka 16 ke Lentšu la Modimo, gomme Ke Therešo, gomme o tla go kgabola mothalo wo go ba le diatla di beilwe godimo ga gago. Gomme go tloga nako ye go ya pele, tiro ya gago e ya go netefatša se kahlolo ya gago e bilego. Phagamišetša seatla sa gago godimo, gomme o re, “Ke tshepiša Modimo seo.” Bohle ba lego ka mothalong woo.

¹⁰⁰ Bjale a re rapeleng. Tate wa rena wa Legodimong, ba... batho ba, morago ga sekgalela se, ba swerwe bjalo ka kgorotsheko. Ke a ikwela, Morena, O bile le tsh—tsh tsheko ya kgonthe. Pilato ga se a Go fa mohuta wa maleba. O bile le dihlatse tša maaka. Eupša O tlie ka godimo ga hlatse ya maaka. Hla—hla Hlatse ya Bosekišwa, Moya wo Mokgethwa o tlie go tiišetša Lentšu pele ga batho. O bile le tsheko ye kaone. Gomme batho ba feditše le menagano ya bona, ba fetišitše kahlolo ya bona, ba re, gomme ba tla go kgabola go netefatša go lefase gore ba dumela Lentšu la Gago le bjalo. Le hlathollotšwe ka go fošagala. Ba bangwe ba bona ba re, “A ke go bone o dira *se*, a ke go bone o dira *sela*.” Ga se go ya ka Lentšu la Gago. Lentšu le rile, “Ba tla welwa ke maruru.” Gomme re tlišitše dihlatse sefaleng, go netefatša gore seo ke se O se boletšego. O dira dilo ka tsela ya Gago Mong.

¹⁰¹ Bjale, ke a rapela, Tate, gore O tla fa ditšegofatšo tše morago ga sekgalela se go batho. Bjalo ka mohlanka wa Gago, le bohle bahlanka ba Gago ba bangwe, makgolo a bona fa, re neela thapelo ya rena bakeng sa batho ba. Tlotša badiša ba bakaone ba, Morena. Mogononi ka mehla o tla kgauswi, goba mosedumele, goba Mna. Mofelapelo, goba e ka ba ofe wa baswaswalatši bale, bakweri bao ba bilego go kgabola lebaka le lengwe le lengwe, ge ba etla go batho ba, a nke kgorotsheko ye morago ga sekgalela se e kwagetše kgahlanong le yona, bopaki bija bona. Go Noage, bjalo ka ge go bile ka matšatšing a Noage, bjalo ka ge go bile ka matšatšing a Sodoma, bobedi go ya tshenyegong. Ka fao ba kwerilego le go dira metlae! Eupša ga se e dire phapano e ka ba efe, badumedi ba swareletše thwi go Lentšu. Gomme re komana go swarelela go Lentšu morago ga sekgalela se, Tate. Ke itšoena nnamong le badiša ba bangwe ba Gago fa, go bea diatla godimo ga batho ba, a nke maatla a Ramaatlakamoka Modimo, Ao re tsebago a gona bjale go hlatsela Lentšu, a dire yo mongwe le yo mongwe wa bona gore a fole. Ka Jesu Kriste Morena wa rena. Amene.

¹⁰² Ngwanešu Roy, ge o ka tla sefaleng. Hlogo ye nngwe le ye nngwe e inamišitšwe bjale, yo mongwe le yo mongwe a rapela le go opela. Ge o sa rapele, opela *Dumela Feela*. Ge o feta go kgabola, e no dumela, feta go kgabola. Feela ga go kgathale se o se bolelago goba o se dirago, seo se tšwa go wena. Ge o nyaka go goelela, goeletša. Gomme ge o nyaka go sepela... Ga go kgathale se e lego, nno dumela Modimo. Sepela gomme o re, “E rarologile ka pelong ya ka.” Go no swana le ge o ile mogobeng

go kolobetšwa. Seo se a e rumā, ge o e dumela. O Mokriste ge feela o dumela. A yeo ke nnete? Gomme le tla fodišwa ge feela le dumela. A re rapeleng bohole bjale. Go lokile, Ngwanešu Borders. [Ngwanešu Branham o rapelela balwetši. Ga go selo lefelong la theipi—Mor.]

...dumela feela.

Go fihla re kopana! go fihla re kopana!

Go fihla re kopana maotong a Jesu;

Go fihla re kopana! go fihla re kopana!

Modimo a be le lena go fihla re kopana gape!

¹⁰³ Ke direla Lentšu la Modimo go lena. Leineng la Jesu Kriste, a nke yo mongwe le yo mongwe wa lena a amogele se le se kgopetšego. “Ge o ka re go thaba ye, ‘šuthišwa,’ gomme wa se belaele pelong ya gago, eupša wa dumela gore se o se boletšego se tla direga, o ka ba le se o se boletšego.” Ge le rapela, dumelang gore le amogela se le se kgopetšego, gomme se tla fiwa go lena. Ke direla Leineng la Jesu Kriste. Ke a dumela gore kahlolo ya renā e dirilwe gomme e fetišitšwe gomme ditiro tša renā di a netefatša bjale gore re a dumela, gomme re a tseba O fodišitše. Ge nka se tsoge ka le bona gape lehlakoreng le la noka, ke tla kopana le lena ka lehlakoreng le lengwe. Ka gona Moya wo Mokgethwa wo mogolo Yo e bego e le Moeng wa renā beke ye, mo le renā gomme a re diretšego, O tla le hlatsetša nako yeo gore ke le boditše Therešo. Go fihlela nako yeo:

Go fihla re kopana! go fihla re kopana!

Modimo a be le lena go fihla re kopana gape!

A re inamišeng dihlogo tša renā bjale.

¹⁰⁴ Ka setu ka kgonthe le bose. [Ngwanešu Branham o hama *Go Fihla Re Kopana*—Mor.]

¹⁰⁵ A nke maphotho a lehu a tlošwe pele ga lena. A nke Modimo wa Legodimo, yo re lego ka Bogoneng bja Gagwe, a dule a le bolokile le bolokegile go fihla re kopana.

Modimo a go šegofatše, ngwanešu. Ke a go leboga.



TSHEKO NST64-0419
(The Trial)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena morago ga sekgalela, Aporele 19, 1964, ka McKay Auditorium ka Tampa, Florida, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org